

**Evangelium**  
**(Joh 2,1-11)**

G. *Den Här sief mat iech all.*

A. *An och mat lech.*

G. *Aus dem hellegen Evangelium nom Johannes.*

A. *Dir all Éier, Här.*

- 1 Zu Kana a Galiläa war eng Hochzäit,  
an dem Jesus seng Mamm war drop.
- 2 Och de Jesus an seng Jünger waren op d'Hochzäit geruff ginn.
- 3 Wéi kee Wäi méi do war,  
sot dem Jesus seng Mamm zu him: "Si hu kee Wäi méi!"
- 4 Du sot de Jesus zu hir: "Wat hunn ech mat dir ze doen, Fra?  
Meng Stonn ass nach net komm."
- 5 Seng Mamm sot zu den Dénger:  
"Maacht dat, wat hien iech seet!"
- 6 Et stounge sechs stenge Waasserkrei do,  
wéi d'Judden se fir hir [rituell] Rengegunge geholl hunn.  
A jidder Krou gongen zwou bis dräi Metreten<sup>i</sup>.
- 7 De Jesus sot zu den Dénger: "Fëllt d'Krei mat Waasser!"  
Dunn hunn si se bis uewenhi gefëllt.
- 8 Dueropshi sot de Jesus zu hinnen: "Schäfft elo eraus  
an drot deem et, deen sech ëm d'lessen an d'Gedrénks këmmert!"  
Dat hunn si gemaach.
- 9 Nodeems de Mann, dee fir d'Gedrénks zoustänneg war,  
d'Waasser geschmaacht hat, dat Wäi gi war  
– hie wusst net, wou de Wäin hierkoum,  
ma d'Dénger, déi d'Waasser geschäfft haten, wussten et –,  
huet hien de Bräitchemann geruff
- 10 an zu him gesot: "All Mënsch setzt fir d'éischt dee gudde Wäin dohinner,  
an eréischt herno, wann d'Leit es vëllege gedronk hunn,  
dee manner gudden.  
Du awer hues dee gudde Wäi bis elo versuergt!"
- 11 Dat hei huet de Jesus zu Kana a Galiläa gemaach  
als Ufank vun sengen Zeechen.

Esou huet hien seng Herrlechkeet gewisen,  
an seng Jünger hunn un hie gegleeft.

*G. Evangelium vun eiser Här Jesus Christus.*

*A. Dech, Christus, luewe mir.*

---

*<sup>i</sup> Eng Metret sinn ca. 40 Liter.*